



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Jactura.

**urn:nbn:de:hbz:466:1-14259**

A dem JUDÆA CAPTA, in cæsta sedet ipsa manu quasi faciem complorens, adstat ipse juxta Palmam. In alio cum eadem inscriptione signum est, quod dextera alte innititur pilo, lava sceptrum gestat, lavumque pedem jacenti galeæ superponit.

## JACTURA. CAP. IX.

Contra vero, vel dejecta, vel casu aliquo vitata, jactura imminentis prodigium habebatur: vel <sup>Palma a-</sup> <sup>nea Arbo-</sup> <sup>minium.</sup> Cui ænea illa, quam Athenienses in Delphici Apollinis templo dedicarant, rei adversus Medos feliciter gestæ monumentum. Paulo ante quam adversus Syracusanos moverent, in faultæ signum expeditionis fuit: quod ejus fructus, qui ex auro constabant, Corvi, alites inauspicatæ, pluribus diebus impetierunt, eosque partim devorant, partim dejecerunt.

## NUPTIÆ. CAP. X.

Sed cur nuptiarum etiam significatum in palma dissimulemus? qui picturâ hujusce rei tam elegantem legerimus apud Philostratum, Imaginibus, qui paludibus & fluviis hoc superaddit ornamentum, Palmarum quippe veluti fornicibus ductum, pontem fluvio superinjectum. Nam cum Palma <sup>Palma, ma-</sup> <sup>ri & femi-</sup> <sup>na amor.</sup> rum alia mas, alia femina sit, invicemque maritali quadam copula conjugentur, maresque attrahant ad sese feminas, neque illæ congressum, quantumcumque admitti possunt, aufugiant, sed ultro ramis ab utraque vicissim contra ad osculum quodammodo exporrectis, manifesta dent mutui desiderii signa, is dicitur, & hujus scilicet & illius sexus Palmas in ripis fluvii oppositas esse regione statuit. Hic vero mas amore correptus plurimum incurvatur, atque sese supra fluvium protendit. Femina vero, quantumlibet procul sita sit, neque apprehendi possit, inclinatur tamen, & obsequii quoddam & ipsa studiū præ se fert. Aquam itaque quodam veluti ponte conjungunt, difficili tamen & inaccessio transitu, propter foliorum asperitatem. Hanc utique speciem ex Philostrato qui pinxerit, nuptiarum & conjugalis amoris hieroglyphicum, ex ipsius naturæ gremio desumptum, summa etiam cum venustate descripsit. Quo vero major huic argumento sit fides, eam palmarii diligentiam adhibent, ut mares eo saltem intervallo à feminis distent, ut pulvis ventorum flatibus à foliis sublatus in feminarum folia incidat, quod satis ad fecunditatem facere compertum est. Sed mirum dictu, quod si quæ procul, à mare abstiterit, ut neque pulvis, neque aura, odorve ejus ad eam permeare possit, excogitaverunt coloni funem à mare religatum ad feminam usque producere, atque ita quasi maritali vinculo copulatam, masculo viri clanculum pro funem irrepente fecundam fieri, quæ prius in ea sterile secebat solitudine. Diophanes auctor Græcus, Florentinum citat, qui suis in Georgicis multa de Palmæ amore conscripsit, contabescere eam maris desiderio, quod nulla dissimulatione profiteatur, modo radices versus eum porrigens, modo verticis in eum proclinatione, fructum ferre pernegando, agricolamque demum cogi amantem huic investigare, qui multas Palmas mares manu amplexuque contingat, mox ad amore peritum rediens, eam amplexetur, attrectetque manibus. Flores quoque mari prius impositos tollat, & supra feminæ verticem imponat. Quæ ne quis fabulosa suspicetur, illiusmodi amoris exemplum atque conjugii nostro dedere tempore. Siquidem vir clariss. Jo. Pontano, homo minime futilis, & quem fabulas pro historia, de re maxime suo tempore omnibus conspicua, scribere puduisset, duas celebrat Palmas, marem unum Brundusii, feminam alteram Hydrunti, quæ diu steriles permanserunt, donec scilicet paulatim succrescentes, nondum alteram altera contueri poterat: ubi vero tantum a dolere, ut sese in vicem conspiciere potuerint, longo quantumlibet multorum stadiorum tractu distantes sanctificare ceperint. Sed cur non ipsum audiamus?

Brundusii <sup>Arbor</sup> <sup>longe</sup> <sup>viret</sup> <sup>ardua</sup> <sup>terris</sup>

Abor, laudatis usque petita locis.

Alteram Hydruntinis in saltibus æmula Palma,

illa virum referens hæc muliebre decus.

Non uno crevere solo, distantibus agris,

Nulla loci facies, nec socialis amor.

Permansit sine prole diu, sine fructibus arbor

Utique frondosa & sine fruge comia.

Ast postquam patulos suderunt brachia ramos,

Cæpere & calo liberiore frui.

Frondosque apices se conspexere virique

illa sui vulvis, conjugis ille sua:

Hausere & blandum venis sitientibus ignem,

Optatos fetus sponte tulere sua:

Ornarunt ramos gemmis (mirabile dictu)

implevere suos melle liquente favos.